

## NA SWJATU NIHDU

čo. 23

- a) ženje, nihdy
- b) wosebity pohanski swjaty dzeń, kotryž swjeći so hišće w Mužakowskich kónčinach
- c) krótko do smjerće

Prawa je wotmołwa **a**.

*Na swjatu Nihdu je wuraz za to, zo so něšto ženje stać njebudže, njech je nadźija tež wulka. Jeli so će na přikład něchtó praša: „Hdy póndžemoj raz do kina?” a ty scyła na to njemysliš, z nim/njej tam hić, móžeš rjec „na swjatu Nihdu“. To klinči kaž pozitiwna wotmołwa, je pak poprawom wotpokazanje/wotprajenje.*

### **Takle móžeš to tež prajić:**

ženje, nihdy, nihdy nanihdy, nihdy na swěće  
na swjateho Ženicha (ženje)

### **Připódlu prajene:**

Forma „na swjatu“ z přidaćom mjena počahuje so na přiřadowanje swjatych wěstym dnjam měsaca, tak je „na swjatu Borboru“ 4. decembra.

### **Přikłady z rěčneho korpusa:**

To budže *na swjatu Nihdu*. (Jan Radyserb-Wjela, Metaforiske Hrona abo Přenoški a Přirunanki w rěči Hornjołužiskich Serbow. Budyšin 1905)